



Federación Galega de Municipios e Provincias
(FEGAMP)
Rúa de Varsovia, 4B
15707 Santiago de Compostela
A Coruña

Negociado: Secretaría, actas
N/Ref.: FHV
Asunto: Remisión certificado do acordo plenario do 03.01.2018. Punto 3.

O Concello de Fene adoptou na sesión plenaria arriba sinalada comunicarlle o seguinte acordo, polo que achégolle un certificado do devandito asunto acordado no noso Pleno.

Fene, asinado dixitalmente polo Sr. alcalde Gumersindo Pedro Galego Feal.

C.I.F.: P-1503600-G

FIRMADO POR Gumersindo Pedro Galego Feal (FECHA: 26/03/2019 14:39:00)
Registro de salida: 201900000000676 Fecha Registro: 27/03/2019 10:02:06
Versión imprimible

CVD: U0smNRZbl33nVJ+MY+HV
Verificable en la Sede Electrónica del Organismo.

Documento asinado electronicamente, pódese validar a sinatura co código indicado na marxe na <https://sede.fene.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



Estefanía Manteiga Lamas, secretaria do Concello de Fene (A Coruña)

CERTIFICO: que o Pleno do Concello na súa sesión ordinaria do 03.01.2019, adoptou o seguinte acordo:

“3. Aprobación, se procede, da Moción conxunta do grupo municipal Socialista, do grupo municipal do BNG e do grupo Mixto municipal en relación co financiamento das entidades locais

Consta no expediente a Moción conxunta do grupo municipal Socialista, do grupo municipal do BNG e do grupo Mixto municipal, que foi ditaminada favorablemente na sesión ordinaria da Comisión Informativa de Dinamización Económica do 26.12.2018 por 4 votos a favor, (2 do grupo municipal do BNG, 1 do grupo municipal Socialista e 1 do grupo Mixto municipal) e 4 (3 do grupo municipal do PP e 1 do grupo municipal Somos Fene):

“O Grupo Municipal Socialista de Fene, o Grupo Municipal do BNG de Fene e Esquerda Unida de Fene, de acordo e ao amparo do previsto no Regulamento de Organización, Funcionamento e Réxime Xurídico das Entidades locais, desexa someter á consideración do Pleno a seguinte MOCIÓN sobre a política do Goberno galego en relación co financiamento das entidades locais.

EXPOSICIÓN DE MOTIVOS

Os concellos somos a administración máis próxima á cidadanía, estando en contacto directo coa veciñanza. Tamén somos a administración cun menor endebedamento e tamén asumimos competencias impropias, que deberían asumir outras administracións.

Cada concello ten a súas circunstancias e prioridades, e deberíamos contar cun financiamento axeitado, onde se permita aos concellos decidir en que se invisten os fondos, e non depender dun reparto de fondos discrecional.

O Plan Único, creado en 2017 polo Goberno da Deputación Provincial da Coruña unifica os antigos plans de investimentos da Deputación da Coruña (POS, PAS e PAI) e 11 liñas de subvencións nunha única convocatoria anual, permitindo aos concellos non só unha mellor planificación, senón maior axilidade na tramitación, máis autonomía local para decidir en que invisten os fondos provinciais e máis transparencia na asignación de recursos, xa que os fondos do POS+ distribúense en base a criterios obxectivos como a poboación, superficie, número de parroquias e esforzo fiscal do concello.

O Plan Único da Deputación Provincial é un plan vivo e dinámico, que medra ao longo do exercicio e que nos tres anos que leva en funcionamento supera en 144 millóns de euros o investimento dos plans do anterior goberno durante 2012, 2013 e 2014.

O programa demostrou ser un instrumento útil para que os concellos afronten as súas necesidades concretas e mellorou e simplificou as relacións entre os concellos e a Deputación Provincial da Coruña.

Este sistema debe ser o camiño tamén para outras administracións públicas xa que ofrece total transparencia na asignación de fondos e permite total autonomía municipal para decidir en que investir en cada concello.

Os Socialistas queremos reclamar á Xunta de Galicia transparencia no reparto de axudas, e en definitiva que muden as formas de actuar por un modelo propio do século XXI, onde non procede o escurantismo.

A Xunta de Galicia repartiu “a dedo” e con criterios subxectivos un total de 22,5 millóns de euros en catro plans de infraestruturas e equipamentos durante os últimos dous anos.

Débense cambiar as políticas da Xunta de Galicia e ter que deixar de mendigar axudas. O que propoñemos é que os fondos para os concellos se repartan de xeito obxectivo como se fai dende fai anos dende a Deputación Provincial da Coruña.

Polo anteriormente exposto, esta Corporación Local insta o Goberno galego a:

Documento asinado electronicamente, pódese validar a sinatura co código indicado na marxe na <https://sede.fene.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

C.I.F.: P-1503600-G

FIRMADO POR GUMERSINDO PEDRO GALEGO FEAL (FECHA: 09/01/2019 20:42:25) , ESTEFANIA MANTEIGA LAMAS (FECHA: 09/01/2019 14:56:18)

Registro de salida: 201900000000676 Fecha Registro: 27/03/2019 10:02:06
Versión imprimible

CVD: pRTgkFPxjTxxkHOMOTRvK
Verificable en la Sede Electrónica del Organismo.



1º) Regular, mediante unha lei autonómica consensuada coa Fegamp, o financiamento dos concellos galegos.

2º) Establecer as partidas non finalistas dentro do capítulo de transferencias totais da Xunta de Galicia con destino ás entidades locais, así como de determinadas subvencións que os concellos perciben anualmente de xeito recorrente coa conseguinte modificación da porcentaxe de participación, coa finalidade de integralas no Fondo de Cooperación Local.

3º) Crear un fondo específico anual formado polas transferencias non executadas no orzamento da Xunta de Galicia con destino ás entidades locais.

4º) Establecer para o exercicio 2019 os criterios que rexan o reparto das subvencións da Comunidade Autónoma a favor das entidades locais, obxectivos e consensuados coa Fegamp, e que garantan a igualdade de acceso para todas elas cunha convocatoria pública á que concorreran tódolos concellos en igualdade de oportunidades.

5º) Establecer un acordo para que o Canón da Auga se reparta con criterios en igualdade de reparto, onde as entidades locais poidan recibir en investimentos o 50% das recadacións que se levan en cada concello, abrindo una convocatoria por concorrencia competitiva."

Sometido o asunto a votación foi aprobado por maioría simple logo de obter 8 votos a favor (4 do grupo municipal do BNG, 3 do grupo municipal Socialista e 1 do grupo Mixto municipal), 7 votos en contra do grupo municipal do PP e 2 abstencións do grupo municipal Somos Fene.

Á vista do resultado da votación, o Pleno acorda:

1º) Regular, mediante unha lei autonómica consensuada coa Fegamp, o financiamento dos concellos galegos.

2º) Establecer as partidas non finalistas dentro do capítulo de transferencias totais da Xunta de Galicia con destino ás entidades locais, así como de determinadas subvencións que os concellos perciben anualmente de xeito recorrente coa conseguinte modificación da porcentaxe de participación, coa finalidade de integralas no Fondo de Cooperación Local.

3º) Crear un fondo específico anual formado polas transferencias non executadas no orzamento da Xunta de Galicia con destino ás entidades locais.

4º) Establecer para o exercicio 2019 os criterios que rexan o reparto das subvencións da Comunidade Autónoma a favor das entidades locais, obxectivos e consensuados coa Fegamp, e que garantan a igualdade de acceso para todas elas cunha convocatoria pública á que concorreran tódolos concellos en igualdade de oportunidades.

5º) Establecer un acordo para que o Canón da Auga se reparta con criterios en igualdade de reparto, onde as entidades locais poidan recibir en investimentos o 50% das recadacións que se levan en cada concello, abrindo una convocatoria por concorrencia competitiva."

E para que conste e produza os efectos oportunos no expediente da súa razón, coa prevención que sinala o artigo 206 do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, expido a presente certificación de orde e co visto e prace do alcalde.

En Fene, asinado dixitalmente na data que figura na marxe pola secretaria Estefanía Manteiga Lamas e o alcalde Gumersindo Pedro Galego Feal.

Documento asinado electronicamente, pódese validar a sinatura co código indicado na marxe na <https://sede.fene.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

C.I.F.: P-1503600-G

FIRMADO POR GUMERSINDO PEDRO GALEGO FEAL (FECHA: 09/01/2019 20:42:25) , ESTEFANIA MANTEIGA LAMAS (FECHA: 09/01/2019 14:56:18)

Registro de saída: 201900000000676 Fecha Registro: 27/03/2019 10:02:06
Versión imprimible

CVD: pRTgkFPxjTxxkHOMOLRvK
Verificable en la Sede Electrónica del Organismo.